



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Synopsis Magnalium Divi Josephi**

**Ignatius <a Sancto Francisco>**

**Leodii, 1684**

Sect. 3. Causæ seu convenientiæ hujus conjugii ex parte nostrâ.

**urn:nbn:de:hbz:466:1-38500**

parte Virginis : eguit namque Maria adhuc tenera stirpis Davidicæ virgincula cum prole tot miseriis & persecutionibus obnoxia , curatore qui eam adjuvarer in istis, debuitque ei esse certe quodam modo ac necessario obstrictus, ut fuit D. Josephus ei matrimonio conjunctus.

**XXIX.** Hanc convenientiam ero ex illis verbis Angelii ad D. Josephum Matth. cap. 2. *Accipe puerum & Matrem ejus, & fuge in Agyptum , &c.* & ex illis ibidem : *Accipe puerum & Matrem ejus & vade in terram Israel.* Ex quibus evidenter patet & Puerum & Matrem cœlitus fuisse cura D. Josephi commissos : sed dicitur primò , ut accipiat puerum . deinde Matrem , triplici de causa : prius tenente ex parte rerum commissarum. Secunda , ex parte Dei committentis ministerio istius Angelii. Tertia , ex parte Sancti Josephi commissarii. Ex parte rerum commissarum ut enim ait Albertus Magnus dicit puerum primo , quia dignitatem habet per se , & prior debet esse in curâ & postea matrem , quia dignitas & cura Matris est propter puerum , vel ut noster Imperfetus in Matth. Homil. 2. *Non propter matrem puer natus est, sed propter puerum Mater preparata est.* Ex parte Dei committentis , quia ab eo primariò electus , D. Josephus propter puerum ; secundariò propter Matrem : vide qua dicturi sumus Tract. seq. cap. 10. Tandem ex parte D. Josephi commissarii , quia prima ipsius cura , amor , omniaque ipsius studia , cogitationes , sollicitudines , labores , cœlicam illam sibi commissam prolem respiciebant , propter quod Angelus ei eo modo loquebatur , quo ipse intus affiebatur.

**XXX.** Sed quare tollenda Mater cum filio ? an fortè si inventus fuisset Christus etiam in eo casu Mater cum illo occidenda , ne fortè Christo sublato , alium fortè pareret , quis successurus esset loco Christi occisi in Regnum Davidis , & ex eo Herodem deturbaturus ? an Christum ob periculum ? Mariam ob consortium & individuam vitæ societatem ? hoc omnino certum : illud etiam probabilissime.

**XXXI.** Tertia convenientia ut Matris dignitas humilitati societur , ut quanto

ipsa major est tantò se humiliet in omnibus , ut sit Mater Dei & uxor Fabri , hoc est summa simul & infima : summa dignitate , infima humilitate : sicque merita sua in immensum augeat , dum electa ad summum mundi fastigium , subditur tamen Fabro , atque ab ejus voluntate & nutibus tota dependet.

Dixit olim Plinius ad Trajanum Imperatorem & recte , *Cui nihil ad augendum fastigium superest , hic adhuc uno modo crescere potest , si se submittat.* Ita crescere potuit , & certè etiam crevit Summa Mater mundique Induperatrix Maria. Quid altius illâ quæ erat Dei Mater electa & effecta ? nihil : submisit illa se. Primò , dum ancillam se dixit. Secundò , dum Elisabethæ in puerperio ministravit. Tertiò , dum Josepho pet omnia morem gessit ex animo : Quare assurrexit , & eō quidem altius quod se demisit profundius.

### SECTIO III.

*Causa seu convenientia hujus conjugii ex parte nostra.*

**C**onveniens etiam fuit hoc matr. non quoad nos ex multiplici capite , atque imprimis ut in illis facitis conjugibus habememus extremæ continentiae exemplar absolutissimum , virginitatis nimitem etiam in ipso conjugio illibatae : ut ab illis discant ii qui habent uxores , ut sint tanquam non habentes : quod licet sit maximè arduum , non tamen impossibile , ut patet in tot & tantis horum sequacibus , quos hic supra recensuimus cap. octavo per quatuor sectiones.

Secondò , voluit Christus Dominus dum homo fieri dignatus est propter homines , nati ex virgine , ut virginitatem sibi acceptam esse demonstraret : voluit tamen else despontam & conjugatam , ne videretur matrimonium aversatus : hæcque ratione duplum hæresim confutaret , illorum scilicet qui castitati bellum indicturi erant , & eorum qui damnaturi erant nuptias : hinc D. Basilios Magnus homil. de humana Christi generatione loquens de Deiparâ , reddensque rationem cur despontara

desponsata fuerit, Virgo erat & viro desponsata, & aperte conjugali officio obeun-  
do putata, ut & virginitas in honore ante omnia haberetur, & matrimonium non propterea improbabetur.

XXXV. Tertio, ut hinc disceremus homines non ex paupertate aut conditionis & exercitii vilitate mesfiri & spernere, quia se numero contingit, quod qui vilios  
res sunt coram hominibus, Deo pre-  
ciosores existant & chariores: Ecce enim D. Joseph, si eum humanis oculis inspiciamus, contemptibilis erat, faber erat, pauper erat: unde & per contemptum Christus dictus est à Judæis carnalibus Faber & Fabri filius: & ta-  
men in oculis Dei quantus ille fuit, qui in Dei Patrem & Virginis Deiparæ con-  
jugem eligi, & erigi meruit: si sic ignobilia mundi & contemptibilia elegit Deus, & ea qua non sunt, ut ea qua sunt destrueret, ut non glorietur omnis caro in conspectu ejus 1. Corinth. c. 1. Vide S. August. l. de Opere Monach. tom. 3. cap. 13.

XXXVI. Quartò, potissimum conveniens fuit hoc matrimonium ad adstruendam in nobis fidem Dominicæ Incarnationis: Per hoc enim matrimonium Deus no-  
bis in D. Josepho providit primarium testimoniū, omnique exceptione majorem, quod Christus ex Virgine natus est, permisusque est dubitare, ut in illius hæstitatione omnes postea in Ecclesiā oritura dubitationes, efficacissimè re-  
solverentur: dum enim ille confirmatur, nos instruimur. Hinc D. Ambro-  
sius in Lucam, quem sequitur D. Thomas citatus ait: *Locupletior testis pudoris maritus adhibetur, qui posset & dolere injuriam, & vindicare opprobrium, si non agnoscet sacramentum.*

XXXVII. Divus vero Chrysostomus homil. 4. in cap. 1. ad illa verba: *Ioseph autem vir ejus cum esset justus, & nollet eam traducere, voluit occulte dimittere eam*, ita lo-  
quitur, postquam dixit quia esset ex Spiritu Sancto, & absque ullâ mixtione sexuum: sermonem suum etiam aliunde confirmat: *Ne enim aliquis diceret, & unde hoc potest esse manifestum: quis vidit? quis audivit aliquando tale aliquid contigisse? neque putares discipulum quasi gratificatum Magistro ista confingere; introdit Ioseph ex his qua passus est fidem*

*dicitis per cuncta facientem, ut planè hinc dicere Evangelista videatur: si non credis mihi, & testimonium tibi fortè meum suspectum es: crede igitur vel marito: & post pauca, Propterea vero Evangelista dixit quid justo illi acciderit ante noti-  
tiam, ut nequaquam de his que post noti-  
tiam rei sunt facta dubitares. Et certè si Maria talis fuisset, qualem illam suspicio fingebat, non modo publicari meruerat,  
verum etiam ex legis autoritate pu-  
niri.*

Sed inter omnes eximiē ad hoc pro-  
positum eximus Divus Bernardus ho-  
mil. 2. super missus est post med. *Cum  
esset Virgo electa, & ut ostensum est Virgo  
conceptura, Virgo paritura, mirum cur  
desponsata fuerit? nunquid vel hoc casu  
factum quis dixerit? non est casu factum  
quod rationabilis causa commendat, causa  
valde utilis & necessaria, & divini pror-  
sus ad inventione consiliū digna. Dicam  
quod mihi, inī quod ante me Patribus  
vixit fuit. Illa utique fuit ratio despon-  
sationis Mariae, que & dubitationis Thomae,  
&c. Sicut ergo Thomas dubitando, palpan-  
do, constans fuit factus est Dominica Con-  
fessor Resurrectionis: ita & Ioseph Mariam  
sibi desponsando, ejusq; conversationem  
in tempore custodie studiosus comproban-  
do, factus est pudicitia fidelissimus testis.  
Pulchra utrinque rei convenientia. &  
dubitatio Thomae, & desponsatio Mariae.  
Poterant quidem similis erroris laqueum  
nobis in jicere, fidei videlicet in illo, Casti-  
tatis in illa, veritatem in suspicionem ad-  
ducere: sed valde prudenter & pie factum  
est per contrarium, ut unde metuebatur  
suspicio, firmasit certitudo: nam & deſ-  
li Resurrectione citius quidem ego, qui  
infirmus sum, crediderim Thomae dubi-  
tanti & palpani, quam Cepha auidenti  
& credenti: & de Matri continentia  
facilius sponso ejus custodienti, & expe-  
rienti, quam ipsi quoque Virginis de solâ  
sua conscientia se defendenti. Dic queso  
quis eam videns gravidam non potius di-  
ceret corruptam quam Virginem? Non au-  
tem decebat hoc dici de Matre Domini:  
Tolerabilius vero atque honestius fuit, pu-  
tari ad tempus Christum de conjugio fuisse  
natum, quam de fornicatione. Sed non  
poterat, inquires, Deus apertum aliquod  
ostendere signum? quo videlicet fieret, ut  
ejus nec ortus infamaretur, nec Mater  
crimina;*

criminaretur? Poterat utique, sed non poterat latere demones quod scirent homines. oportebat autem à Principe mundi aliquamdiu celari divini Consilii Sacramentum: non quod Deus si palam opus suum facere veller impediri posse ab ullo metueret: sed quia ipse, qui non solum potenter, sed etiam sapienter quemcumque voluit fecit; sicut in omnibus operibus suis quasdam rerum vel temporum congruentias, propter ordinis pulchritudinem servare consuevit; itain hoc quoque tam magnifico opere suo, nostra & videlicet reparacionis, non tantum potentiam suam, sed & prudentiam ostendere voluit. Et quamquam illud alter quomodo vellit, perficere potuisse, placuit ei tamen eo portius & modo & ordine hominem sibi reconciliare, quo noverat cedisse: ut sicut Diabolus prius seduxit faminam, & postmodum virum per faminam vicis, ita prius a famina Virgine seducetur, & post a viro Christo aperte debellaretur: quatenus malitia fraudidum ars pietatis illuderet, ac maligni fortitudinem Christi virtus conteret, diabolo Deus & prudentior appareret & fortior. Ita quippe decuit incarnationem Sapientiam spiritualem vincere malitiam, quo non solum attingeret a fine usque ad finem fortiter, sed & disponeret omnia suaviter. Attigit autem a fine usque ad finem, id est à Cælo usque ad infernum, si ascendero, inquit, in Cælum tu illic es, si descendero in infernum ades. Utrobique vero fortiter quanto & de supernis expulit superbium. & apud inferos spoliavit avarum. Conveniens ergo erat ut suaviter quoque omnia, cælestia scilicet & terrena disponeret, quatenus & illuc dejiciens inquietum, reliquos in pace firmaret: & hic debellatur mundum, nobis prius sua humilitatis & mansuetudinis valde necessarium exemplum relinqueret, scicq; mirabiliter fieret moderamine sapientia ut & suis suavis & hostibus fortis appareret. Quid enim prodesset Diabolum à Deo virginis nobis manetibus superbis? necessario igitur despontata & Maria Joseph, quando per hoc & à canibus sanctum absconditur, & a spacio virginitas comprobatur, & Virginis tam verecundie parcitur, quam fame providetur. Quid sapientius? quid dignius divinæ prævidentia? uno tali consilio secretis celestibus & admittitur testis, & excluditur hostis, & integra servatur fama Virginis Matri.

Alioquin quando pepercisset justus adultera? Haec tenus D. Bernardus, quo quid eximius?

Sed quia Divus Bernardus in practicis comparat desponsationem & dubium D. Josephi cum dubitatione D. Thomæ, differentiam tamen inter utrumque magna observati cupio: Nam Thomas positivè discredidit, & cum incredulitate ac peccato, quem propterea Christus arguit dicendo, *Mitte manum tuam, &c. & noli esse in credulus sed fidelis.* D. Josephus autem tantum habuit nesciens quam partem amplecti deberet, utpote cui eò usque mystrium necdum revelatum fuerat: sed tamen, modestiam & virtutem suæ conjugis expertam habebat, & ideo Angelus cum consolatur dicens, Joseph fili David nolit imere accipere Mariam conjugem tuam, &c. Thomas postea credidit, sed cum vidi manifestè resuscitatum. Divus Joseph autem non vidit, nec potuit videre Christum, fuisse in utero conjugis de Spiritu Sancto conceptum, sed ad nudum Angelii afferentis verbum hesitationem suam statim depositum.

#### SECTIO IV.

*Causæ seu convenientie hujus matrimonii ex parte  
Divi Josephi.*

HÆ licet paucæ sint non tamen parvæ, & quamvis sole faciant directè ad intentum nostrum in hoc opere, ostendemus tamen ad harum calcem, nec in precedentibus omnino à proposito nostro digressos fuissimus. Igitur ad rem.

Primæ ex parte D. Josephi hujus matrimonii convenientia fuit, ad intentionem & evidentiam meritorum ejus. *Bona enim mulier,* inquit Sapiens Ecclesiast. cap. 26. vers. 3. *cif in parte bona timentum Deum, dabatur viro profectis bonis.* In quem locum Palacio hujus libri Commentator insignis. Intellige, inquit Deum habere bona quædam quæ tamen ut plurimum nocent: alia bona quæ nocere & prodesse solent: alia bona quæ profundunt non tamen obfuscent.